



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LXXXVI. Revocatio privilegiorum Religiosis Indiarum Occident. contra
Constitutiones concessor.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

1696.
& 1697.

pressis, earum tamen tenore servato, auctoritate Apostolica tenore presentium decernimus, & declaramus; salva tamen semper in praemissis auctoritate dictae Congregationis Cardinalium.

Clausula.

§. 4. Decernentes pariter easdem praesentes Literas semper firmas, validas, & efficaces existere, & fore; suosque plenarios, & integros effectus sortiri, & obtinere, ac illis ad quos spectat, & pro tempore spectabit, plenissime suffragari; Sicque in praemissis per quoscumque Judices Ordinarios, & Delegatos, etiam Caesarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. In contrarium facientibus non obstantibus quibuscumque.

§. 6. Volumus autem, ut earundem praesentium Literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique loquorum, tam in Judicio, quam extra illud habeatur, quae ipsis praesentibus haberetur si forent exhibitae, vel ostensa.

Datum Romae apud S. Mariam Majorem sub Annulo Piscatorum, die V. Decemb. MDCXCVI. Pontificatus Nostri Anno Sexto.

LXXXVI.

Revocantur Privilegia a Superioribus Religiosis concessa in Indiis Occidentibus, contra Ordinum, vel S. Sedis Constitutiones.

Clem. X. Const. ed. 1670. Jun. 21. P. 1. declarata fuisse nonnulla Privilegia Regularium. Et Clem. XI. Const. ed. 1719. Sept. 7. P. 19. revocantur privilegia concessa a Nuncio in quibusdam Regnis.

Dat. 12. Jan. 1697. An. 6.

INNOCENTIUS PAPA XII.

Ad futuram rei memoriam.

Exordium.

AD pastorale fastigium meritis licet imparibus divina dispositione evecti, in eam praecipue curam sollicitis studiis incumbimus, ut Christianifideles Altissimi obsequiis sub suavi Religionis iugo mancipari juxta laudabilia eorum instituta prospere dirigantur, illiusque firmiter insistentes, laetioribus in dies, benedicente Domino proficiant incrementis; illa proinde quae regulari ipsorum observantiae noxia esse noscuntur, opportuna provisionis nostrae Ministerio evellere satagimus, sicut pia Orthodoxorum Regum multiplicibus in hanc Sanctam Sedem meritis fulgentium vota postulant, & Nos omnibus maturae considerationis trutina perpensis ad Omnipotentis Dei gloriam, & Religionis felicem progressum salubriter expedire in Domino arbitramur.

Preces Regis Catholici, & causa revocationis.

§. 1. Cum itaque sicut pro parte Charissimi in Christo Filii Nostri Caroli Hispaniarum Regis Catholici Nobis nuper expositum fuit, in quorundam Ordinum Regularium Provinciis, quae in Indiis Occidentalibus, & insulis eis adjacentibus eidem Carolo Regi subjectis consistunt, is late invaluerit abusus, ut plurimi Provinciarum hujusmodi Religiosi, Magisterii, aliorumve graduum praerogativis, sive etiam variis exemptionibus, ac gratis sibi a suis Superioribus, contra, & praeter regularia Ordinum praedictorum instituta collatis, seu concessis fruantur non sine gravissimo Religiosae humilitatis, quam iidem Ordines profitentur, detrimento. Nobis propterea ejusdem Caroli Regis nomine humiliter supplicatum fuit, ut in praemissis opportune

providere de benignitate Apostolica dignemur.

§. 2. Nos igitur, qui Regularem disciplinam ubique, adeoque etiam in remotioribus ab eadem Sede partibus vigere, & omnem illius relaxationis viam pracludere summopere cupimus, de opportuno remedio providere, ac piis ipsis Caroli Regis votis hac in re quantum cum Domino possumus, favorabiliter annuere volentes, hujusmodi supplicationibus inclinati, omnes, & quascumque Magisterii, aliorumve graduum hujusmodi praerogativas, necnon cujusvis generis exemptiones, ac gratias quomodocumque nuncupatas quibusvis Provinciarum praedictarum Religiosis cujuscumque dignitatis, qualitatis, & conditionis, ac cujusvis Ordinis Congregationis, & Instituti existant, quocumque titulo, praetextu, causa, & occasione contra, & praeter Ordinem Congregationum, & Institutorum quorumlibet, Apostolicasve Constitutiones hactenus quoquo modo collatas, seu concessas, sine ullo tamen eorum praerogativo, qui illas sibi a Sede Apostolica conferri, seu concedi obtinuerunt, auctoritate Apostolica tenore praesentium revocamus, cassamus, & abolemus, viribusque, & effectu penitus, & omnino vacuumus, ac in futurum dispositiones Constitutionum hujusmodi inviolabiliter observari praecipimus.

Revocatio praed., a qua eximantur Privilegia Apost.

Clausula.

§. 3. Decernentes ipsas praesentes Literas, & in eis contenta quaecumque, etiam ex eo quod praedicti, aliive quilibet in praemissis forsitan interesse habentes, seu habere quomodolibet praetendentes, illis non consenserint, nec ad ea vocati, citati, vel auditi, nec causa propter quas praesentes emanarint sufficienter adductae, verificatae, & justificatae fuerint, seu ex alia quacumque, etiam quantumvis legitima, & privilegiata causa, colore, praetextu, & capite etiam in corpore juris clauso, etiam enormis, enormissimae, & totalis laesionis, nullo unquam tempore de subreptionis, vel obreptionis, aut nullitatis vitio, seu intentionis Nostrae, aut interesse habentium consensus aliove quolibet, etiam quantumvis magno, & substantiali, individuumque expressionem requirente defectu notari, impugnari, infringi, retractari, in controversiam vocari, seu ad terminos juris reduci, aut adversus illas apertitionis oris, restitutionis in integrum, aliudve quodcumque juris, facti, vel gratiae remedium intentari, vel impetrari, aut impetrato, seu etiam Motu proprio, & ex certa scientia, deque Apostolicae potestatis plenitudine concessio, vel emanato, quempiam in Judicio, vel extra illud uti, seu se juvare ullo modo posse, sed ipsas praesentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit inviolabiliter, & inconcusse observari; Sicque, & non aliter in praemissis per quoscumque Judices Ordinarios, & Delegatos, etiam Caesarum Palatii Apostolici Auditores, ac S. R. E. Cardinales, etiam de Latere Legatos, & Apostolicae Sedis Nuntios, aliosve quoslibet quacumque praerogativa, & potestate fungentes, & functionarios, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus praemissis, ac quatenus opus sit Nostra, & Cancellariae Apostolicae Regula de jure quaesito non tollendo, aliisque Constitutionibus, & Ordinationibus Apostolicis, necnon Provinciarum, Ordinum, Congregationum, & Institutum praedictorum, co-

rum

rum Monasteriorum, Conventuum, Collegiorum, & Domorum Regularium, aliisve quibusvis, etiam Juramento, confirmatione Apostolica, aut quavis firmitate alia roboratis, Statutis, & consuetudinibus, privilegiis quoque, Indultis, & Litteris Apostolicis sub quibuscumque verborum tenoribus, & formis, ac cum quibusvis, etiam derogatoriis derogatoriis, aliisque efficacioribus, efficacissimis, ac insolitis clausulis, & Decretis, etiam motu, scientia, & potestatis plenitudine paribus, & alias quomodolibet in contrarium pramissorum concessis, ac pluries confirmatis, approbatis, & innovatis. Quibus omnibus, & singulis etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi presentibus pro plene, & sufficienter expressis, ac de verbo ad verbum insertis habentes; illis alias in suo robore permanentibus, ad pramissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 5. Volumus autem, ut earumdem presentium Litterarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides in Judicio, & extra illud habeatur, quae haberetur ipsis presentibus si forent exhibitae, vel ostensa.

Datum Romae apud Sanctam Mariam Majorem sub Annulo Pisc. die XII. Jan. MDCXCVII. Pontificatus Nostri Anno Sexto.

LXXXVII.

Præcipitur Archiepiscopo Goanen., ac Episcopis Meliaporen., Cranganoren., & Coccinen., ut observent Clem. X. Constitutionem circa jurisdictionem Vicariorum Apostolicorum in Oriente.

Simile præceptum factum fuit Archiepiscopo Goan., aliisque Const. ed. 1696. Oct. 22. Pont. 6. De jurisdictione Vicariorum vide Const. ed. 1696. Octob. 23. Pont. 6. Et de electione Vicariorum Foraneorum in America vide Constitut. editam 1698. Maii 3. Pont. 7.

Dat. 6. Febr. 1697. An. 6.

I N N O C E N T I U S P A P A X I I .

Ad futuram rei memoriam.

CUM sicut accepimus licet fel. record. Clemens PP. X. prædecessor noster per quasdam suas in simili forma Brevis litteras, quarum initium est: *Christiana Religiois, Catholicaque Fidei propagationis opus &c.* die 7. Junii 1674. de particularis Congregationis tunc existentium S. R. E. Cardinalium negotiis Propagandæ Fidei præpositorum super rebus Sinarum deputatæ consilio emanatas auctoritate Apostolica declaraverit Episcopos Indiarum, aliarumque partium Orientis, eorumque Ministros, & officiales non posse, nec debere exercere actus Jurisdictionales super Vicarios Apostolicos ad Regna, seu Provincias Orientis pro Religiois, & fidei hujusmodi propagatione ab hac Sancta Sede Apostolica missos, quippe ejusdem Sanctæ Sedis Delegatos, eorumque operarios in Provinciis sibi assignatis, sed ipsdem Vicariis Apostolicis dictæ Sedis Delegatis in prædictis Provinciis Jurisdictionem privative quoad omnes competere, donec aliter fuisset a Congregatione eorumdem Cardinalium declaratum; Ac Contravenientes eo ipso in pœnas excommunicationis, & indigna-

tionis Romani Pontificis incurrisse censei decreverit, & alias prout in eisdem literis, quarum tenorem presentibus pro plene, & sufficienter expresso, ac de verbo ad verbum inserto haberi volumus, uberius continetur. Nihilominus Venerabiles Fratres moderni Archiepiscopus Goanenecnon Meliaporen., Cranganoren., & Coccinen. Episcopi, sive potius illorum Ministri, & Officiales in Regnis de Idalean., Goleandæ, & magni Mogolis in Indiis Orientalibus, in quibus nuper Venerabilem Fratrem Petrum Paulum Archiepiscopum Anciran. Vicarium Apostolicum cum diversis facultatibus, & Indultis deputavimus sub diversis prætextibus Jurisdictionem exercere prætendant. Hinc est, quod Nos supradictas Clementis Prædecessoris litteras stricte, & inconculse observari, necnon ipsius Petri Pauli Archiepiscopi, & Vicarii Apostolici, ejusque operariorum quieti, quantum Nobis ex alto conceditur prospicere cupientes, de nonnullorum ex Venerabilibus Fratribus nostris S. R. E. Cardinalibus Congregationis Propagandæ Fidei negotiis præpositæ super rebus earumdem Indiarum Orientalium a Nobis specialiter deputatorum consilio, eosdem modernos, & pro tempore existentes Archiepiscopum Goan., nec non Meliaporen., Cranganoren., & Coccinen. Episcopos harum serie paterne monemus, eisque auctoritate Apostolica in virtute sanctæ obedientiæ præcipimus, & mandamus, ut dictas Clementis prædecessoris litteras, & in eis contenta quæcumque sub pœnis in literis hujusmodi expressis exacte, & inviolabiliter observent, ac observari curent, & faciant, districte propterea inhibentes eis, & per ipsos omnibus illorum Ministris, & Officialibus, quocumque nomine nuncupatis, ne sub quovis quæsito colore, prætextu, causa, vel occasione ullos in Regnis de Idalean., Goleandæ, & magni Mogolis supradictis Jurisdictionales actus exercere, aut inibi ejusdem Petri Pauli Archiepiscopi, seu pro tempore existentis in Regnis hujusmodi Vicarii Apostolici, ejusque operariorum Jurisdictionis exercitium impedire audeant quovis modo, seu præsumant, donec aliter a prædicta Congregatione Cardinalium fuerit ordinatum.

§. 1. Decernentes ipsas presentes litteras firmas, validas, & efficaces existere, & fore, suoque plenarias, & integros effectus fortiri, & obtinere; sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, aliisque quoslibet quacumque præminentia, & potestate fungentes, & futuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 2. Non obstantibus Apostolicis, ac universalibus, Provincialibusque, & Synodalibus Conciliis editis generalibus, vel specialibus Constitutionibus, & ordinationibus, necnon quibusvis, etiam Juramento, confirmatione Apostolica, aut quavis firmitate alia roboratis Statutis, & consuetudinibus; privilegiis quoque, Indultis, & Litteris Apostolicis in contrarium pramissorum quomodolibet concessis, confirmatis, & innovatis. Quibus omnibus, & singulis, illorum tenores presentibus pro plene, & sufficienter expressis, ac ad verbum insertis habentes illis alias in suo robore permanentibus ad pramissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctam Mariam Majorem sub Annulo Piscatoris die VI. Februarii MDCXCVII. Pontif. nostri Anno Sexto,

Prædd. Ordinarium impedi-
divere jurisdic-
tionem Vicarii in
Regnis de
Idalean., Go-
leandæ, &
Magni Mo-
golis.

Causæ Præ-
cepti.

Præceptum
prædict. cum
cmminatione
pœnarum.

Clausula.

A Clemens X. declaratum fuit, dd. Vicarios habere jurisdictionem, & contradictores incurrere excommunicationem.